



五言律詩卷之十三

唐詩品彙六十八

新寧高棟編

正變

賈島

憶江上吳處士

方虛谷云此變體也
聚會雷雨對更有力

閩國揚帆去蟾蜍缺復團秋風吹渭水落葉滿長安

唐音撫言云島嘗騎馬天衢時秋風正厲黃葉可掃
島忽吟曰落葉滿長安卒求一聯未得因唐突京尹

劉栖楚被繫一夕而釋此與
韓愈推敲事又別未深考
此地聚會夕當時雷雨

寒蘭橈殊未返消息海雲端

旅遊

此心非一事書札若為傳舊國別多日故人無少年

劉湏溪云短空巢霜葉落踈牖水螢穿留得林僧宿

中宵坐默然方云三四語奇五

送朱可久歸越中

石頭城下泊北固暝鍾初汀鷺衝潮起船窓過月虛

方云善言泊舟之趣吳山侵越衆隋柳入唐踈日欲躬調膳辟

來何府書

題李凝幽居

閑居少隣並草徑入荒園鳥宿池中樹僧敲月下門

過橋分野色移石動雲根暫去還來此幽期不負言

劉云敲意妙絕下
意更好結又老成

暮過山村

數里聞寒水山家少四隣怪禽啼曠野落日恐行人

歐陽詩話云道路辛苦羈愁
旅思豈不見於言外者乎初月未終夕邊烽不過

秦蕭條桑柘外烟火漸相親

宿山寺

衆岫聳寒色精廬向此分流星透踈木走月逆行雲

絕頂人來少高松鶴不群一僧年八十世事未曾聞

山中道士

頭髮梳千下休糧帶瘦容養雛成大鶴種子作高松
劉云又癡又嫩
癡可咲嫩可惜白石通宵煮寒泉盡日春不曾離隱
處那得世人逢

荅王秘書

人皆聞蟋蟀我獨恨蹉跎白髮無心鑷青山去意多
信來漳浦岸期負洞庭波時掃高槐影朝回忽恐過
宿孤館

落日投村戍愁生為客途春山晴後綠江月夜深孤
橘樹千株在漁家一半無自知風水靜舟繫岸邊蘆
思遊邊友人

凝愁對孤燭昨日飲離杯葉下故人去天中新鴈來
連沙秋草薄帶雪暮山開苑北紅塵道何時見遠回

秋暮寄友人

寥落關河暮霜風樹葉低遠天垂地外寒日下山西
有志烟霞切無家歲月迷清宵話白閣已負數年棲
送僧歸天台

辭秦經越過歸寺海西峯石澗雙流水山門九里松
曾聞清禁漏却憶赤城鍾妙字研磨講應齊智者蹤
送知興上人

久住巴興寺如今始拂衣欲臨秋水別不向故山歸

錫挂天涯樹，房閑嶽頂扉。
下看萬里曉，霜海日生微。
憶吳處士

半夜長安雨，燈前越客吟。
孤舟行一月，萬水與千岑。
島嶼夏雲起，汀洲芳草深。
何當折松葉，拂石剡溪陰。
宿姚少府北齋

石溪同夜泛，復此北齋期。
鳥絕更歸後，蛩鳴客卧時。
鑱城涼雨細，開印曙鍾遲。
憶此漳川岸，如今是別離。
泥陽館

客愁何併起，暮送故人迴。
廢館秋螢出，空城寒雨來。
夕陽飄白露，樹影掃青苔。
方云詩思甚幽獨坐離容慘，孤燈

暝不開

送惟一遊清涼寺

去有巡臺侶，荒溪衆樹分。
瓶殘秦地水，錫入晉山雲。
秋月離喧見，寒泉出定聞。
人間臨欲別，旬日雨紛紛。
宿慈恩寺郁公房

病身來寄宿，自掃一床閑。
返照臨江磬，新秋過雨山。
竹陰移冷月，荷氣帶禪關。
獨往天台意，方從內請還。
百門陂留醉從叔譽

幽鳥飛不遠，我行千里間。
寒衝陂水路，醉下菊花山。
有耻長為客，無成又入關。
何時臨澗柳，吾黨共來攀。

媿合

春日早朝寄劉起居

九衢寒霧斂雙闌曙光分彩仗迎春日香烟接瑞雲
珮聲清漏間天語侍臣聞劉湏溪云自在莫笑馮唐老還來
謁聖君

寄友人

日暮掩重扉抽簷復解衣漏聲林下靜螢色月中微
秋霽露華結夜涼人語稀殷勤故山路誰與我同歸
郡中西園

西園春欲盡芳草徑難分靜語唯幽鳥閑眠獨使君

密林生雨意

劉云好

古石帶苔文雖去清秋遠朝朝見

白雲

武功縣中作

日出方能起庭前看種莎吏來山鳥散酒熟野人過
岐路荒城少烟霞遠縣多同官數相見下馬上西坡

過靈泉寺

偶尋靈跡去幽徑入

氛轉怒驚飛鳥穿山路亂雲

水從岩上落溪向寺前分釋子遊何處空堂日漸曛

喜馬戴冬夜見過期無可上人不至

內殿臣相命開樽話舊時夜鍾催鳥絕積雪阻僧期

林靜寒聲遠天陰曙色遲今宵復何夕鳴珮坐難隨
秋夜月中登天壇

秋蟾流異彩齋潔上壇行天近星辰大山深世界清
仙殿石上起海日夜中明何計長來此閑眠過一生

許渾

劉後村云杜牧許渾同時然各為體牧於律中常遇少拗峭以矯時弊渾則不然而律切麗密或過杜牧而抑揚頓挫不及也

秋日赴闕題潼關驛樓

紅葉晚蕭蕭長亭酒一瓢殘雲歸太華疎雨過中條
樹色隨關迥河聲入海遙帝鄉明日到猶自夢漁樵

泊松江渡

漠漠故宮地月涼風露幽雞鳴荒戍曉鴈過古城秋
楊柳北歸路蒹葭南渡舟去鄉今已遠更上望京樓

南樓春望

南樓春一望雲水共昏昏野店歸山路危橋帶郭村
晴烟和草色夜雨長溪痕下岸誰家住殘陽半掩門

嚴陵釣臺泊貽行宮

故人天下定歸釣碧岩幽舊跡隨苔古高名寄水流
鳥喧群木晚蟬急衆山秋更待新安月憑君暫駐舟

送南陵李少府

唐人亦未閑來往楚雲間
劍在心應壯書窮髮已班
落帆秋水寺驅馬夕陽山
明日南昌尉空齋又掩關
晚泊七里灘

天晚日沉沉孤舟繫柳陰
江村平見寺山郭遠聞砧
樹密猿聲響波澄鴈影深
榮華暫時事誰識子陵心

長安旅夜

夕客怨長夜西風吹鴈聲
雲移河漢淺月泛露華清
掩瑟獨凝思緩歌空寄情
門前有歸路迢遞洛陽城

孤鴈

昔年雙頰顏池上
靄春暉霄漢力猶怯
稻梁心已遠

蘆洲寒獨宿榆塞夜
孤飛不及營巢燕
西風相伴歸

寄契盈上人

何處是西林踈鍾復遠砧
鴈來秋水濶鴉盡夕陽沉
婚嫁乖前志功名異夙心
湯師不可問江上碧雲深

洛中秋日

故國無歸處官閑憶遠遊
吳僧秣陵寺楚客洞庭舟
久病先知雨長貧早覺秋
壯心能幾許伊水更東流

送段覺歸杜曲閑居

書劍南歸去山扉別幾年
苔侵岩下路果落洞中泉
紅葉高齋雨青蘿曲檻烟
寧知遠遊客羸馬太行前

早秋

遙夜汎清瑟西風生翠蘿殘螢栖玉露早鴈拂金河
高樹曉還密遠山晴更多淮南一葉下自覺洞庭波

晚發天井關寄李師晦

山在水滔滔流年欲二毛湘潭歸夢遠燕趙客程勞
露曉紅蘭重雲晴碧樹高逢秋正多感萬里別同袍
將赴京師蒜山津送客還荆渚

樽前萬里愁楚塞與皇州雲識瀟湘雨風知鄠杜秋
潮平猶倚棹月上更登樓他日滄浪水漁歌對白鷗
潼關蘭若

來往幾經過前軒枕太河遠帆春水濶高寺夕陽多
蝶影下紅藥鳥聲喧綠蘿故山歸未得徒詠采芝歌

陪越中使院諸公鏡波館餞明台裴鄭二使君

傾幙來華館淹留二使君舞移清夜月歌斷碧空雲
海郡樓臺接江船劍戟分明時自騫翥無復嘆離群
題岫上人院

病客與僧閑頻來不掩關高窓雲外樹疎磬雨中山
離索秋虫響登臨夕鳥還心知落帆處明月浙河灣
秋晚登城

城高不可下永日一登臨曲檻涼飈急空樓返照深
葦花迷夕棹梧葉散秋砧謾作歸田賦蹉跎歲欲陰
送客歸蘭溪

花下送歸客路長應過秋暮隨江鳥宿寒共嶺猿愁
衆水喧巖瀨群峯抱沈樓因君幾南望曾向此中游

送僧歸金山寺

老歸江上寺不忘舊師恩駐錫逢山色停盃見浪痕
秋濤吞楚驛曉月上荆門為訪題詩處莓苔幾字存

憶長洲

香逕小船通菱歌遠故宮魚沉秋水靜鳥宿暮山空

荷葉橋邊雨蘆花海上風歸心無處託高枕畫屏中

松江懷古

故國今何在扁舟竟不歸雲移山漠漠江濶樹依依
晚色千帆落秋聲一鴈飛此時兼送客凭檻欲沾衣

征西舊卒

少年乘勇氣百戰過烏孫力盡邊城難功加上將恩
曉風聽戍角殘月倚營門自說輕生處金瘡有舊痕

李商隱

河清與趙氏昆季燕集

勝槩殊江右佳名逼渭川虹收青嶂雨鳥沒夕陽天

客鬢行如此滄江坐渺然此中真得地漂蕩釣魚船
少將

族亞齊安睦風高漢武威烟波別墅醉花月後門歸
青海聞傳箭天山報合圍一朝携劍起馬上疾如飛
寒食行次冷泉縣

歸途仍近節旅宿倍思家獨夜三更月空庭一樹花
介山當驛秀汾水遶關斜自怯春寒苦那堪禁火賒
陳後主

玄武開新苑龍舟燕幸頻渚蓮叅法駕沙鳥犯鈞陳
壽獻金莖露歌翻玉樹塵夜來江令醉別詔宿臨春

迎寄韓象州詹同年

積雨晚騷騷相思正鬱陶不知人萬里時有燕雙高
寇盜纏三輔莓苔滑百牢聖朝推衛霍歸日動仙曹
獻寄舊府開封公

幕府三年遠春秋一字褒書臨秦逐客賦續楚離騷
地里南溟濶天文北極高酬恩撫身世未覺勝鴻毛

李頻

送人遊吳

楚田開霽後草色與君看積水浮春氣深山滯雨寒
毗陵孤月出建業一鍾殘為把鄉書去因收別淚難

送徐處士歸江南

行行野雲薄寒氣日通春故國入芳草滄江終白身
遊歸花落滿睡起鳥啼新莫惜閑書札西來問旅人

漢上送人西歸

幾作西歸夢因為愴別心野衙天去盡山夾漢來深
疊浪翻殘照高帆引片陰空留相贈句畢我白頭吟

送許渾侍御歸潤州

家山近石頭遂意恣東遊祖席離烏府歸帆轉蜃樓
陰氛出海散落月向潮流別有為霖日孤雲未自由
裴侍御赴湖南

開門鳥道中飛傳復乘駘暮雪離秦甸春雲入楚宮
平蕪天共濶積水地多空使府懸帆去能消幾日風
送友人遊蜀

東堂雖不捷西去復何愁蜀馬知歸路巴山似舊遊
星臨劍閣動花落錦江流鼓吹青林下時聞祭武侯
春日南遊寄浙東許同年

孤帆處處宿不問是誰家南國平蕪遠東風細雨斜
旅懷多寄酒寒意欲留花更想前途去茫茫滄海涯
陝下懷歸

故園何處在零落五湖東日暮無來客天寒有去鴻

大河冰徹塞高岳雪連空獨夜懸
思迢迢永漏中
秦原早望

一忝鄉書薦長安未得回年光
逐渭水春色上秦臺
燕掠平蕪去人衝細雨來東風
生故里又過幾花開

方虛谷云其思優游而不深怨可取

八月峽口作

萬里西南水秋來滿峽流亂山
無陸路行客在孤舟
洶洶灘聲惡冥冥對色秋免為
三不吊終白一生頭
黔中罷職泛江東

黔中初罷職薄俸亦無殘舉目
鄉關遠携家旅食難

野梅將雪競江月與沙寒兩鬢
秋應白何勞把鏡看

送人往塞北

上馬問雲中長川逆北風日西
身獨去山轉路無窮
樹隔高關斷沙連大漠空君看
河外將早晚合平戎
送清上人歸上林

風濤幾千里歸路半乘舟此地
難相別何人更共留
坐經高頂夏行值洛陽秋到寺
安禪夕江雲過石樓

馬戴

嚴滄浪云馬戴詩在晚唐諸人之上

關山曲

火發龍山北中宵易左賢勒兵臨漢水驚鴈散胡天
木落防河急軍孤受敵偏猶聞漢皇怒按劍待開邊

夜入湘中

洞庭人夜到孤棹入湘中露洗寒山遍波搖楚月空
密林飛暗狖廣澤發鳴鴻行抵揚帆者江分又不同

落日悵望

遠色隱秋山一作遠燒入秋山

孤雲與歸鳥千里片時間念我何留滯辭家久未還
微陽下喬木遠色隱秋山臨水不敢照恐驚平昔顏

早發故園

語別在中夜登車離故鄉曙鍾寒出岳殘月迥凝霜

風柳條多折沙雲氣轉黃行逢海西鴈零落不成行

送人遊蜀

別離楊柳陌迢遞蜀門行若聽清猿後應多白髮生
虹霓侵棧道雨雪雜江聲過盡愁人處烟花是錦城

送客南遊

擬卜何山隱高秋拓岳陽葦乾雲盡夢色橘熟洞庭香
踈雨殘虹影回雲皆鳥行靈均如可問一為哭清湘

送僧歸金山寺

金陵江色裏蟬急向秋分迥寺橫洲島歸僧渡水雲
夕陽依岸盡清磬隔潮聞遙想禪林下鑪香對月焚

寄終南真空禪師

閑想白雲外，了然清淨僧。松門山半寺，雨夜佛前燈。
此境可長住，浮生自不能。一從林下別，瀑布幾成冰。
題靜住寺欽用上人房

寺近朝天路，多聞玉珮音。鑿人開慧眼，歸鳥息禪心。
磬接星河曙，窓連夏木深。此中能燕坐，何必在雲林。
宿陽臺觀

玉洞仙何在，鑪香客自焚。醮壇圍古木，石磬響寒雲。
曙月孤霞映，懸流峭壁分。心知人世隔，坐與鶴為群。

灞上秋居

灞原風雨定，晚見鴈行頻。落葉他鄉樹，寒燈獨夜人。
空園白露滴，孤壁野僧隣。寄計郊扉久，何年致此身。

尋賈島原東居

寒鴈過原急，渚邊秋色深。烟霞何處海，島風兩宿園林。
俱住明時願，同懷故國心。集作共許貧交，猶嫌外事侵。未能先隱跡，聊此一相尋。

洛陽寒夜姚侍御宅宿憶賈島

夜樹動寒色，洛陽城闕深。如何異鄉思，更抱故人心。
殘月關山遠，閑堦霜霧侵。誰知石門路，待子與相尋。
宿崔邵池陽別墅

揚柳色已故郊原日復低烟生寒渚上霞散遠山西
待月人相對驚風鴈不齊此心君莫問舊國去相迷
荅廊時友人同宿見示

為客自堪悲風塵日滿衣承明無計入舊隱但懷歸
雪積孤城暗燈殘曉角微相逢喜同宿此地故人稀

江行

吳楚半秋色渡江逢蒹葭花雲侵帆影落風逼鴈行斜
返颺開嵐翠寒潮漾浦沙自將何所往海嶠欲營家

早登故山作

雲門夾峭石石路蔭長松谷響猿相應山深水復重

食霞人不見采藥客猶逢獨宿靈潭側時聞岳頂鍾

五言律詩卷之十三

唐詩品彙六十八

五言律詩卷之十四

唐詩品彙六十九

新寧高棟編

餘響

朱慶餘

送僧遊廬山

客行皆有求

集作馬

師去是閑遊
野望携金策
禪棲寄

石樓山深松翠冷
潭靜菊花秋
幾處題青壁
袈裟濺瀑流

送淮陰丁明府

之官未及境
已有愛人心
遣吏回中路
停船對遠林

鳥聲淮浪靜雨色稻苗深暇日公門掩唯聞伴客吟
周賀

長安送人

上國多離別年年渭水濱空將未歸意說向欲行人
鴈度池塘月山連井邑春臨分惜携手日暮一沾巾
酬吳之問

已當聽鴈夜多事不同居故疾離城晚秋霖見月踈
趁鍾關靜戶帶葉卷殘書盪槩期南去荒園久廢鋤
喻鳧

岫禪師南溪蘭若

錫影散林光孤溪照草堂水懸青石磴鍾動白雲牀
樹色含殘雨河流帶夕陽唯應無月夜瞑目見他方

發浙江

島嶼遍含烟烟中濟大川山城猶轉漏沙浦已搖船
海曙霞浮日江遙水合天此時空濶思翻想涉窮邊

晚泊盱眙

廣葦夾深流蕭蕭到海秋宿船橫月浦驚鳥遶霜洲
雲濕淮南樹笳清泗上樓徒懸向國思羈跡尚東遊
商於逢友人

行役何時了年年骨肉分春風乘漢棹雪路入商雲

水險溪難定林寒鳥異群相逢聊坐石啼狎語中聞

劉得仁

送僧歸玉泉寺

玉泉歸故里集作寺便老是心期亂木孤蟬後寒山絕

鳥時若尋流水去轉出白雲遲見說千峰路溪深復

頂危

廻中夜訪獨孤從事

滿庭霜月魄風靜絕纖聞邊境時無事一作州城夜

訪君擁裘聽塞角酌甌一作醴話湘雲贊佐元戎美恩

齊步萬軍

杜牧

禪智寺

雨過一蟬噪廳蕭松桂秋青苔滿階砌白鳥故遲留

暮靄生深樹斜陽下小樓誰知竹西路詞吹是楊州

項斯

楊敬之雅愛其詩所至稱之嘗贈詩云幾度見詩詩總好及觀標格勝於詩平生不解藏人善到處逢人說項斯

寄石橋僧

逢師入山日道在石橋邊別後何人見秋來幾處禪

溪中雲隔寺夜半雪添泉生有天台約知無却出緣

送歐陽衮歸閩中

秦城幾歲住猶着故鄉衣失意時相識成名後獨歸
海秋蠻對黑嶺夜瘴雲飛為學心難滿知君更掩扉

薛能

劉後村詩話云薛能詩格不甚高而自譽太過

麟中寓居寄蒲陰友人

蕭條秋雨地獨院阻同群一夜驚為客多年不見君
邊心生落日鄉思羨歸雲更在相思處子規燈下聞

贈禪者

門前雖有徑絕向世間行雜草因逢藥移花更得鶯

甘貧元是道苦學不為名莫怪蒼鬚晚無機在此情

送友人出塞

榆關到不可何況出榆關春草臨岐斷邊樓帶日閑
人歸穹帳外烏發廢營間此地秋堪集作堪愁想霜前作

意還

趙嘏

靈岩寺

明月溪頭寺虫散滿橋洲倚船香徑晚移石太湖秋
樹老雲歸盡臺荒水更流無人見惆悵獨上最高樓

長洲

扁舟殊不繫浩蕩路纔分范蠡湖中樹吳王苑外雲
悲心人望月獨夜鴈離群明發還驅馬關城見日曛
經無錫縣醉後吟

客過無名姓扁舟繫柳陰窮秋南國淚殘日故鄉心
京洛衣塵在江湖酒病深何須覓陶令乘醉自橫琴

姚鵠

曉發

旅行宜早發况復是南歸月影綠山盡鍾聲隔水微
殘星螢共失落葉鳥俱飛去去關河曉村中人出稀
紀唐夫

送友人歸宜春

落花兼柳絮無處不紛紛遠道空歸去流鶯獨自聞
野橋喧碓水山郭入樓雲故里南陔曲秋期欲送君

溫庭筠

送人東遊

荒戍落黃葉浩然離故關高風漢陽渡初日郢門山
江上幾人在天涯孤棹還何當重相見樽酒慰離顏

西游書懷

渭川通野戍有路上桑乾獨鳥青天暮驚鷹赤燒殘
高秋辭故國昨日夢長安客意自如此非關行路難

扁舟殊不繫浩蕩路纔分范蠡湖中樹吳王苑外雲
悲心人望月獨夜鴈離群明發還驅馬關城見日曛
經無錫縣醉後吟

客過無名姓扁舟繫柳陰窮秋南國淚殘日故鄉心
京洛衣塵在江湖酒病深何須覓陶令乘醉自橫琴

姚鵠

曉發

旅行宜早發况復是南歸月影綠山盡鍾聲隔水微
殘星螢共失落葉鳥俱飛去去關河曉村中人出稀
紀唐夫

送友人歸宜春

落花兼柳絮無處不紛紛遠道空歸去流鶯獨自聞
野橋喧碓水山郭入樓雲故里南陔曲秋期欲送君

溫庭筠

送人東遊

荒戍落黃葉浩然離故關高風漢陽渡初日郢門山
江上幾人在天涯孤棹還何當重相見樽酒慰離顏

西游書懷

渭川通野戍有路上桑乾獨鳥青天暮驚鷹赤燒殘
高秋辭故國昨日夢長安客意自如此非關行路難

商山早行

晨起動征鐸，客行悲故鄉。
雞聲茅店月，人跡板橋霜。
三山老人語錄云六一居士甚喜此語
有鳥叢茅店雨野色柳橋春以効之
槲葉滿山路，枳花明驛牆。
因思杜陵夢，鳧鴈滿廻塘。

于武陵

長信宮

一失輦前恩，羅衣生暗塵。
唯應清夜月，獨伴向愁人。
長信翠蛾老，昭陽紅粉新。
君心似秋節，不使草長春。

客中

楚人歌竹枝，遊子淚沾衣。
異國又為客，寒宵頻夢歸。

一封書未返，千樹葉皆飛。
南過洞庭水，更應消息稀。

方虛谷云又客夢家人情之
常愈遠而愈難得家書也

友人南遊不回

相思春樹綠，千里各依依。
鄂杜月頻滿，瀟湘人未歸。
桂花風半落，烟草蝶雙飛。
一別無消息，水南車跡稀。

南遊有感

杜陵無厚業，不得駐車輪。
重到曾遊處，多非舊主人。
東風千里樹，西日一洲蘋。
又渡湘江水，湘江水復春。
宿友生林尻，因懷賈區。

繞屋樹森森，多稜紫閣禽。
暫過當永夜，微得話前心。

入楚行應遠，經湘恨必深。那堪對寒燭，更賦別離吟。
西歸

不繫與舟閑，悠悠吳楚間。羞將新白髮，却到舊青山。
一葉忽離樹，幾人同入關。長安有家住，秋至又西還。

早春山行

江草煖初綠，鴈行皆北飛。異鄉那久客，野鳥尚思歸。
十載過如夢，衷心應已違。行行家漸遠，更苦得書稀。

夜泊湘江

北風吹楚樹，此地獨先秋。何事屈原恨，不隨湘水流。
涼天生片月，竟夕伴孤舟。一作南行客，無成空白頭。

王將軍宅夜聽歌

朱檻滿明月，美人歌落梅。忽驚塵起處，疑有鳳飛來。
一曲聽初徹，幾年愁漸開。東南正雲雨，不得見陽臺。

夜尋僧

僧遊山未歸

數歇渡烟水，漸非塵俗間。泉聲入秋寺，月色遍寒山。
石路幾迴雪，竹房猶閉關。不知雙樹客，何處與雲閑。

贈王隱人

石室掃無塵，人寰與此分。飛來南浦樹，半是華山雲。
浮世幾多事，先生應不聞。寒川滿斜日，空照鴈來群。

雍陶

送裴璋還蜀

家在劍門外新年音信稀自為千里別已送幾人歸
陌上日初落馬前花正飛離言殊未盡春雨滿行衣

塞上宿野寺

塞上蕃僧老天寒疾上關遠烟平似水高封暗如山
去馬朝常急行人夜始閑更深聽刁斗時到磬聲間

寄宗靜上人

世上方傳法山中未得歸閑花飄講席馴鴿污禪衣
積雨誰過寺殘鍾自掩扉寒來垂頂帽白髮剝應稀

雲溪友談云陶為簡州牧自比謝宣城柳吳興實至則挫辱投贊者少得見之有馮道明者請謁詒

閻者曰與太守故舊及見阿貴曰與公味平生何故舊之有道明曰誦公詩得相見何隔平生遂吟雍詩云江散秋入峽雨氣夜侵樓立當青草人先見行傍白蓮魚未知開門客到常疑病滿院花開不似貧雍由是厚之逐如曩昔之交

李群玉

湖澗英華作胡關

楚色籠青草秋風洗洞庭夕霏生水寺初月盡雲汀
棹響來空澗漁歌發杳冥欲浮闌下艇一到斗牛星

廣江驛餞筵留別

別筵欲盡秋一醉海西樓夜雨寒潮水孤燈萬里舟
酒飛鸚鵡重歌送鷓鴣愁惆悵三年客難期此處遊

雲安

灘惡黃牛吼城孤白帝秋水寒巴字急歌迴竹枝愁
樹倚荆王館雲昏蜀客舟瑤姬不可見行雨在高丘
送秦鍊師

紫府靜沉沉松軒思別吟水流寧有意雲泛本無心
錦洞桃花遠青山竹葉深不因時膏藥何路更相尋
遊玉芝觀

尋仙何玉清獨倚雪初晴木落寒郊迴烟開疊嶂明
片雲盤鶴影孤磬雜松聲且共探玄理歸途月未生
儲嗣宗

秋墅

欲暮候樵者望山空翠微虹隨殘雨散鴉帶夕陽歸
窮巷長秋草孤村時擣衣誰知多病客寂寞掩柴扉
李郢

遊天柱觀

聽鍾到靈觀仙子喜相尋茅洞幾千載水聲寒至今
讀碑丹井上坐石澗亭陰清興未云盡烟霞生夕林
劉滄

秋月旅途即事

驅羸多自感烟草遠郊平鄉路幾時盡旅人終日行

渡邊寒水驛山下夕陽城蕭索更何有秋風兩鬢生
司馬禮

東門晚望

青門聊極望何事久離群芳草失歸路故鄉空暮雲
信回陵樹老夢斷潮流分兄弟正南北鴻聲堪獨聞
送歸客

多才與命違末路憶柴扉白髮何人問青山匹馬歸
晴烟獨鳥沒野渡亂花飛寂寞長亭外依然空落暉
題清上人房

古院閉松色入門人自閑罷經來宿鳥支策對秋山

客念蓬

外禪心烟霧間空憐濯纓處階下水潺潺
登河中鶴雀樓

樓中見千里樓影入通津烟封遙分陝山河曲向秦
興亡留白日今古共紅塵鶴雀飛何處城隅草自春
杜荀鶴

春宮怨

早被嬋娟誤欲粧臨鏡慵承恩不在貌教妾若為容
風暖鳥聲碎日高花影重年年越溪女相憶采芙蓉

幕府燕閑錄云荀鶴詩多近俗此篇為勝

與友人對酒吟

憑君滿酌酒聽我醉中吟客路如天遠侯門似海深
新墳侵古道白髮戀黃金共有人間事須懷濟物心

方干

君不來

閑花未零落心緒已紛紛
又客無人見新禽何處聞
舟隨一水遠路出萬山分
夜月生愁望孤光必照君

韻語陽秋云方干詩清潤
小巧蓋未升曹劉之堂者

寄李頻

衆木已摧落望君猶未還
軒車在何處雨雪滿前山
思苦文星動鄉遙釣渚閑
明年見名姓惟我獨何顏

清明日送鄧芮還鄉

鍾鼓喧離室車徒促夜裝
曉厨新變火輕柳暗翻霜
轉鏡看華髮傳杯語故鄉
每嫌兒女淚今日自沾裳
送郭太祝歸江東

鄉人去欲盡北鴈又南飛
京洛風塵久江淮音信稀
舊山知獨往一醉莫相違
未得解羈旅無勞問是非

周朴

寄方干

桐廬江水閑終日對柴關
因想別離處不知多少山
釣舟春岸泊庭對晚烟還
莫使求栖隱桂枝堪恨顏

李昌符

旅遊傷春

酒醒鄉關遠迢迢聽漏終曙分林影外春盡雨聲中
鳥倦江村路花殘野岸風十年成底事羸馬厭西東

周繇

海望

蒼茫空泛日四顧絕人烟半浸中華岸傍通異域船
島間知有國波外恐無天欲作乘槎客翻然去隔年

許棠

汴上暮秋

獨立長堤上西風滿客衣日臨秋草廣山接遠天微
岸葉隨波盡沙雲與鳥飛秦城寧有素志意自知歸

登渭南縣樓

近甸名偏著登樓景又寬半空分太華極目是長安
雪助河流急人畊燒色殘閑來時甚少欲下重凭欄

東歸次采石江

東下經牛渚依然是故關客程臨岸盡鄉思入鷗閑
雨漲巴天浪雲遮楚國山漁翁知未達相顧不開顏

張喬

曲江春

尋春與送春多遶曲江濱一片鳧鷖水千秋輦轂塵
岸涼隨衆木浪影逐遊人自是遊人老年年管吹新

吳江旅次

行人秋落日去鳥倦遙林曠野鳴流水空山響暮砧
旅途歸計晚鄉對別年深寂寞逢村酒漁家一醉吟

宿昭應

夜憶開元事淒涼里巷間薄烟通魏闕明月照驪山
半壁空宮閉連天白道閑清晨更迴首猶向霸陵還

送金夷魚奉使歸本國

渡海登仙籍還家備漢儀孤舟無岸泊萬里有星隨

積水浮魂夢流年半別離東風未迴日音信杳難期

書邊事

調角斷清秋征人倚戍樓春風對青塚白日落梁州
大漢無兵阻窮邊有客遊蕃情如此水長願向春流

尋樵源

武陵春草齊花影隔澄溪路遠無人去山空有鳥啼
水垂青靄斷松偃綠蘿低世上迷途客經茲盡不迷

贈初上人

竹色覆禪棲幽禽遶院啼空門無去住行客自東西
井氣春來歇庭枝雪後低相看念山水盡日話曹溪

聞仰山禪師歸曹溪因贈

曹溪松下路猿鳥重相親四海求玄理千峯遶定身
異花天上墮靈草雪中春自惜經行處焚香禮舊真
送河西從事

結束佐戎旃河西住幾年隴頭隨日去磧裏寄星眠
水近沙連帳程遙馬入天聖朝思上策重待奏開邊

登慈恩寺塔

窓戶響層風清涼碧靄中世人來往別烟景古今同
列嶂橫秦斷長河極塞空斜陽越鄉思天末見歸鴻
江南逢洛下故人

洛下吟詩友江南只有君波濤歸路見蟋蟀在船聞
曉月江城出晴霞島樹分無窮懷古意豈獨繞湘雲
再題敬亭清越上人山房

重來訪惠休已是十年遊向水千松老空山一磬秋
石窓清吹入河漢夜光流久別多新詠長吟洗俗愁
楊夔

送日東僧遊天台

一鉞離日外行拍赤城中去自重雲下來從積水東
攀蘿躋石徑挂錫憇松風迴首雞林道唯應夢想通
唐彥謙

楊文公談苑云鹿門先生唐彦謙為詩學李商隱得其清峭感愴蓋聖人之一體也

詠月

陰盛此宵中多為雨與風坐無風雨至看與雪霜同
抱濕離遙海傾寒向遠空年年不可值還似道難通

司空圖

江行二

地澗分吳塞楓高映楚天迴塘春盡雨方響夜深船
行紀添新夢羈愁甚往年何時京洛路馬上見人烟

又

初程風信好迴望失津樓日帶潮聲晚烟含楚色秋

戍旗當遠客島樹轉驚鷗此去非名利孤帆任白頭

鄭谷

終南白鶴觀

步步景通真門前眾水分檉蘿諸洞合鍾磬上清聞
古木千尋雪寒山萬丈雲終期掃壇級來事紫陽君

江行

漂泊病難任逢人淚滿襟關東多事日天末未歸心
夜雨荆江漲春雲郢樹深殷勤聽漁唱漸次入吳音

送人之九江謁郡侯苗員外

澤國尋知己南浮不偶遊湓城分楚塞廬岳對江州

曉飯臨孤嶼春帆入亂流雙旌相望處月白庾公樓
送人遊邊

春亦怯邊遊此行風正秋別離聞夜雨道路向雲州
磧樹巖城遠沙河漾日流將軍方破虜莫惜獻良籌

別同志

所立共寒苦平生同與遊相看臨遠水獨自上孤舟
天澹滄浪晚風悲蘭杜秋前程吟此景為子上高樓

登杭州城

漠漠江天外登臨返照間潮來無別浦木落見他山
沙鳥晴飛遠漁人夜唱閑歲窮歸未得心逐片帆還

長樂夜坐寄懷湖外稽處士

萬里念江海浩然天地秋風高群木落夜久數星流
鐘絕分宮漏管微隔御樓遙知洞庭上宵露滿漁舟

歐陽公詩話云鄭谷詩名盛於唐末號雲臺
編其詩極有意味亦多佳句但其格不同

崔塗

除夜有感

迢遞三巴路羈危萬里身亂山殘雪夜孤燭異鄉人
漸與骨肉遠轉於奴僕親劉清句那堪正飄泊明日

歲華新劉云平生客中除
夕誦此不復更作

夕次洛陽道中

秋風吹故城城下獨吟行高樹鳥已息古原人尚耕
流年川暗度往事月空明不復嘆岐路馬頭塵夜生

巴南道中

久客厭岐路出門吟且悲平生未到處落日獨行時
芳草不長綠故人難重期那堪更難渡鄉國是天涯

孤鴈

幾行歸塞盡念尔獨何之暮雨相呼失寒塘欲下遲
渚雲低暗度關月冷相隨未必逢矰繳孤飛自可疑

羅隱

秋浦

晴川倚落暉極目思依依野色寒來淺人家亂後稀
又遊身不達多病意長違還有漁舟在時時夢裏歸

曹松

秋日送方干遊上元

天高淮泗白料子趣脩程汲水疑山動揚帆覺岸行
雲離京口樹鴈入石頭城後夜分遙念諸峯霧露生
送左協律京西從事

辟書來幾日遂喜就佳招猶向風沙淺非於甸服遙
時平無探騎秋靜見盤鴈若遣關中使煩君問寂寥

韋莊

婺州水館重陽日作

異國逢佳節，憑高獨苦吟。一杯今日酒，萬里故鄉心。
水館紅蘭合，山城紫菊深。白衣雖不至，鷗鳥自相尋。

章臺夜思

清瑟怨遙夜，繞絃風雨哀。孤燈聞楚角，殘月下章臺。
芳草已云暮，故人殊未來。鄉書不可寄，秋鴈又南迴。

哭麻處士

却到歌吟地，閑門草色中。百年流水盡，萬事落花空。
綆帳寒秋月，詩樓冷夜虫。少微何處隨，留恨白楊風。

王貞白

曉發蕭關

早發長風裏，邊城曙色間。數鴻寒背磧，片月落臨關。
隴上明星沒，沙中夜探還。歸程不可問，幾日到家山。

九日長安作

無酒泛金菊，登高但憶秋。歸心隨旅鴈，萬里在滄洲。
殘照明天闕，孤砧隔御溝。誰能思落帽，兩鬢已添愁。

終南山

終南異五岳，列翠滿長安。地去搜揚近，人謀隱遁難。
水通諸苑過，雪照一城寒。為問紅塵裏，誰同駐馬看。

御溝水

一派御溝水綠槐相蔭清此中涵帝澤無處濯塵纓
鳥道來雖險龍池到自平朝宗心本切願向急流傾

郡閣雅言云貞白御溝詩此中初作此波以示貫
休貫休曰改一字貞白揚袂而去貫休曰此公思
敏書一中字於掌頃貞白回
曰此中涵帝澤休以掌示之

曉泊漢陽渡

落月臨古渡武昌城未開殘燈明市井曉色辨樓臺
雲自蒼梧去水從嶓冢來芳洲號鸚鵡用記禰生才

遊仙

我家三島上洞戶枕波濤醉背雲屏卧誰知海日高
露香紅玉樹風綻碧蟠桃悔與神仙別思歸夢釣鰲

胡笳曲

隴底悲笳動隴頭鳴北風一輪霜月落萬里塞天空
戍卒淚應盡胡兒語未終爭教班定遠不念玉關中

古悔從軍行

憶昔仗孤劔十年從建威論兵親玉帳逐虜過金微
隴水秋先凍關雲寒不飛辛勤功業在麟閣志多違

長門怨

葉落長門靜苔生永巷幽相思對明月獨坐向空樓
鑿駕迷終轉蛾眉老自愁昭陽歌舞伴此夕未知秋

張嬪

別後寄山友

上馬如飛鳥飄然隔去塵共看今夜月獨作異鄉人
就養江田熟移居井賦新襄陽堪卜隱應與孟家隣
過山家

避暑得深幽忘年遂久留花陰窓失曙松合徑先秋
響谷傳人語鳴泉洗客愁家山不在此至此可歸休

翁承贊

晨興

晨起竹軒外逍遙清興多早涼生戶牖孤月照關河
旅食甘藜藿歸心意薜蘿一樽如有地放意且狂歌

江為

藝苑鳴黃云為工於詩少遊江南有詩云
吟登蕭寺旃檀閣醉倚王家玳瑁筵南唐
后主見之曰此人富貴家而劉衣生
夏江成等並傳句法今建陽縣西七里有
靖安寺即為之故
居留題者甚衆

登潤州城

天末江城晚登臨客望迷春潮平島嶼殘雨隔虹蜺
鳥與孤帆遠烟和獨樹低鄉山何處是目斷廣陵西

任翻

晴詩

楚國多春雨柴門喜晚晴幽人臨水坐好鳥隔花鳴

野色連空濶江流接海平門前向溪路今夜月分明
薛瑩

秋晚同友人閑步

藉草與行沙相看日未斜斷崖分鳥道踈樹見人家
望遠臨孤石吟餘落片霞野情看不足歸路思猶賒
宿仙都觀陰王二君修道處

十載別仙峯峯前千古蹤陰王修道處雲雪滿高松
洞口風雷異池心星漢重明朝下山去片月落殘鐘
宿東巖寺曉起

野寺寒塘曉遊人一夢分鐘殘數樹月僧起半巖雲

宿鳥驚初見幽泉落不聞吟餘凭前檻紅葉下紛紛

五言律詩卷之十四

唐詩品彙六十九

五言律詩卷之十五

唐詩品彙七十

新寧高棟編

旁流

有姓氏無字里世次可考者九人

薛竒童

楚調

禁苑春風起流鶯繞合歡玉窓通日氣珠箔卷輕寒
楊葉垂陰砌梨花入井闌君王好長袖新作舞衣寬

張諤

東封山下宴群官

萬國扈封巒群公遇此歡幔城連夜靜霜仗滿空寒
輦路宵烟合旌門曉月殘明朝陪聖主山下禮圓壇
郭良

早行

早行星尚在數里未天明不辨雲林色空聞風水聲
月從山上落河入斗間橫漸至重門外依稀見洛城

題李將軍山亭

鳳轄將軍位龍門司隸家衣冠為隱逸山水作繁華
徑出重林草池搖兩岸花誰知貴公子亭院有烟霞

褚朝陽

登少室山寺

英華作登
聖善寺閣

飛閣青雲裏先秋獨早涼天花映窓近月桂拂簷香
華岳三峰小黃河一帶長空間指歸路烟處有垂楊

石召

送人歸山

相逢惟道在誰不共知貧歸路分殘雨停舟別故人
霜明松道曉花暗竹房春亦有栖閑意何年可寄身

顧在鎔

題玉芝雙供奉院

入門如洞府花木與時稀夜坐山當戶秋吟葉滿衣

犬隨童子出鳥避俗人飛至藥應將熟年年火氣微
宿麻平驛

及到怡情處暫忘登陟勞青山看不厭明月坐來高
犬為孤村吠猿因冷木號微吟還獨酌多興憶同袍
潘咸

登明戍堡

來經古城上極目思無窮寇盡烟蘿外人歸蔓草中
峰巒當關古堞壘對雲空不見昔名將徒稱有戰功

楊達

塞下

英華作李宣達詩并州路作

秋日并州路黃榆落故關孤城吹角罷數騎射鷗還
帳幕遙臨水牛羊自下山行人正垂淚烽火起雲間

孫欣

冷井

仙閣初鑿井雲液沁成泉色湛青苔裏寒凝紫綆邊
劔瓶向影落玉甃抱虛圓永賴調神像堯時奉萬年
羽士二人

吳筠

步虛詞二首

郭茂倩樂府作常渾年詩

紫府與玄洲誰來物外遊無煩騎白鹿不用駕青牛

余化顏應駐雲飛髮不秋仍聞碧海上更用玉為樓
又

玉樹雜金花天河織女家月邊丹鳳舄風送紫鸞單
霧縠籠綃帶雲屏列錦霞瑤臺千萬里不覺往來除

韋渠牟

步虛詞

玉簡真人降金書道籙通烟霞方蔽日雲雨已生風
四極威儀異三天使命同那將人世戀不去上清宮
二
上帝求仙使真符取玉郎三才閑布象二景鬱生光

騎吏排龍虎笙歌走鳳凰天高人不見暗入白雲鄉
三

鸞鶴共徘徊仙官使者催香花三洞啓風雨百神來
鳳篆文初定龍泥印已開何須生羽翼始得上瑤臺
四

西海辭金母東方拜木公雲行疑帶雨星步欲凌風
羽袖揮丹鳳霞巾曳采虹飄飄九霄外下視望仙宮
五

幾度遊三洞何方召百神風雲皆守一龍虎亦全真
執節仙童小燒香玉女春應湏絕巖內委曲問皇人

衲子二十四人

辯才

設缸面酒款蕭翼探得來字

初醞一缸開新知萬里來披雲同落莫步月共徘徊
夜久孤琴思風長旅鴈哀非君有祕術誰照不燃灰

靈一

高仲武云靈一之詩刻意精妙與劉長卿
皇甫冉諸人倡和如泉湧階前地雲生戶
外峯皆佳句也

靜林寺

靜林寺即梁帝未遇之時隱居之所今因
之為寺寺中有鐘磬皆古物時時有聲焉

靜林溪路遠蕭帝有遺蹤水擊羅浮磬山鳴于闐鐘

燈傳三際集作世火樹老萬株松無數烟霞色文苑英華作魚

復雲霞色空聞昔卧龍

酬皇甫冉

時冉赴無錫於雲門寺贈詩別

湖南通古寺來往意無涯欲識雲門路千峯到若耶
春山子猷宅古木謝敷家自可長偕隱那云相去賒

送王法師之西川

旅遊無遠近要自別魂消官柳鄉愁亂春山客路遙
伴行芳草遠隨興墅花飄計日功成後還將輔聖朝

送範律師往果州

終南千古後獨爾繼卿名
離障非今日修因是幾生
亂峯寒影暮深澗墅流清
遠客歸心苦難為此別情

秋題劉逸人林亭

涼飈亂黃葉遲客橘陰清
蘿逕封行跡雲門閉野情
零林秋露響穿竹暮烟輕
莫戀幽棲地懷居却敗名

宜豐新泉

泉源新涌出洞澈映纖雲
稍落芙蓉沼初淹苔蘚文
了將空色淨素與衆流分
每到清宵月冷冷夢裏聞

酬皇甫冉西陵見寄

西陵潮信滿島嶼沒中流
越客依風水相思南渡頭
寒光生極浦落日映滄洲
何事揚帆去空驚海上鷗

宿靈洞觀

石室因投宿仙翁幸見容
花源隔水見洞府過山逢
泉湧堦前地雲生戶外峯
中宵自入定非是欲降龍

同史君宿大梁驛

旌旗江上出花外捲簾空
夜色臨城月春寒度水風
雖然行李別且喜語音同
若問匡廬事終身愧遠公

皎然

送贇上人還京

得微字

又遊春草盡還寄北船歸沙鳥窺中食江雲入英華作滿
淨衣秦原山色近楚寺磬聲微見說翻經館多聞似
者稀

賦得啼猿送客

萬里巴江外三聲月峽深何年有此路幾客共沾襟
斷壁分垂影流泉入苦吟淒涼離別後聞此更傷心

題沈少府書齋

不下南昌縣書齋每日閑野花當砌落溪鳥逐人還
有興常臨水無時不見山千峯數可盡不出小窓間
尋陸鴻漸不遇

移家雖帶郭野逕入桑麻近種籬邊菊秋來未看花
扣門無犬吠欲去問西家報道山中去歸來每日斜

自義亭驛送李縱夜泊臨平東湖

長亭賓馭散岐路起悲風千里勤王事驅車明月中
寒生洞庭水夜度塞門鴻處處堪傷別歸來山又空
送重鈞上人遊天台

漸看華頂出幽賞意隨生十里行松色千重過水聲
海容雲正盡山色雨初晴事事將心證知君道可成

送清會上人遊京

佳遊限衰疾一笑向西風思見青門外曾臨素產東

峯明雲際寺日出露寒宮行道禪長在看塵不染空
送關小師還金陵

如何有歸思愛別欲忘難白鷺沙洲晚青龍水寺寒
蕉花鋪淨地桂子落空壇持此心為境應堪月夜看
送沙弥大智遊五臺

童年隨法侶家世本儒流章句三生學清涼萬里遊
雲歸龍沼暗木落鴈門秋長老憶相待傳予向祖洲
送栖上人之建州覲使君舅

亂峯江上色羨尔及秋行釋氏推真子郗家許貴甥
氈花新雨靜帆葉好風輕千里依元舅迴橈亦有情

題湖上蘭若示清會上人

峯心惠忍寺嶮頂謝公山何似南遊近芳洲一畝間
意中雲不秀事外水堂閑永日無人到時看獨鶴還
宿支硎寺上房

上方精舍遠共宿白雲端寂寞千峰夜蕭條萬木寒
山光露下見松色月中看却與西林別歸心即欲闌
晚秋宿李軍道所居

清溪路不遙都尉每相招落日休戎馬秋風罷射鷗
木花生野逕栢實滿寒條永夜依山府禪心共寂寥
題沈道士新亭

何處好攀躋新亭俯舊溪座中千里近簷下四山低
小浦依林曲回塘遶郭西桃花春滿地歸路莫相迷
若溪春興

春生若溪水雨後漫流通芳草行無盡春源去不窮
野烟迷極浦斜日起微風數處乘流望依稀似剡中
冬至日陪裴端公使君清水堂集

亞歲崇佳宴華軒照綠波渚芳迎氣早山翠向晴多
推往知時訓書祥辨政和從公惜日短留賞夜如何

仙女臺

寂寞舊桑田誰家女得仙應無雞犬在空有子孫傳

古木花猶發荒臺月尚懸片雲低不散疑是却歸年

法照

送清江上人

越人僧體古清慮洗塵勞一國詩名遠多生律行高
見山援葛藟避世著方袍早晚雲門去還應逐爾曹
送無著禪師歸新羅國

萬里歸鄉路隨緣不筭程尋山百衲弊過海一盃輕
夜宿依雲色晨齋就水聲何年持具葉却到漢家城

寄錢郎中

閉門深樹裏閑足鳥來過五馬不復貴一僧誰奈何

藥苗家自有香飯乞時多寄語婢娟客將心向薜蘿
護國

訪雲母山僧

森然古崖壁淨行一高僧松下瀘寒水佛前挑夜燈
蓮花國土異貝葉梵書能想對空山所無心戀愛僧
山中寄王員外

為問幽蘭桂空山復若何芬芳終有分採折更誰過
望在軒堦近恩沾雨露多移居儻得地長願接瓊柯
題王班水亭

湖上見秋色曠然如爾懷豈惟歡壠畝兼亦外形骸

待月歸山寺彈琴坐暝齋布衣閑自貴何用謁天階

僧泚

北原別業

野外車騎絕古原松栢陰流鶯出谷靜春草閉門深
學稼農為業忘情道作心因知上皇口鑿井在雲林

清江

送贊律師歸嵩山

禪客歸山意山深定易安清貧修道苦孝友別家難
雲路尋溪轉花宮映岳看到時松塔暮松月向人寒
送堅上人歸杭州天竺寺

十年勞負笈經論化中朝流水知鄉近和風惜別遙
雲山零夜雨花岸上春潮歸卧南天竺禪心更寂寥
夕次襄邑

何處成吾道經年遠路中客心猶向北河水自歸東
古戍鳴寒角疎林振夕風輕舟唯載月那與故人同
喜皇甫大夫同宿大梁驛

江頭旌旆去花外捲簾空夜色臨城月春聲渡水風
也知行李別暫喜話言同若問廬山事終身愧遠公
宿嚴維宅簡章八元

佳期曾不遠甲第即南隣惠愛偏相及經過豈厭頻
秋光林葉動夕霽月華新莫話羈栖事平原是主人
長安卧疾

身世堪悲空房卧疾時捲簾花雨滴掃石竹陰移
已覺生如夢堪嗟壽不知未能通法性詎可見支離
靈澈

九日和于使君

清晨有高會賓從出東方楚俗風烟古汀洲水木涼
山情來遠思菊意在重陽心憶華池上從容鴈鷺行
送道處上人遊方

律儀通外學詩思入玄關烟景隨緣到風姿與道閑

貫花留淨室
呪水度空山
誰識浮雲意
悠悠天地間
法振

送人遊閩越

不須行借問
為尔話閩中
海島陰還雨
江帆來去風
道遊玄度宅
身寄朗陵公
此別何傷遠
如今關塞通
越中贈程先生

紗帽度殘春
虛舟寄一身
溪邊逢越女
花裏問秦人
古塞連山靜
陰霞落海新
有時城郭去
暗與酒家親
題萬山許鍊師

道成人不識
流水響空山
花暗軒窗外
雲隨坐卧間
驗圖名已久
絕粒事長閑
更欲崑崙去
羞看絳節還
程評事西園之作

誰向春鶯道
名園已共知
簷前迴水影
城下出花枝
搖拂烟雲動
登臨翰墨隨
相招能不厭
山舍為君移
無可

林下對雪送僧歸草堂寺

殘臘雪紛紛
林間起送君
苦吟行迥野
投迹向寒雲
絕頂晴多出
遙泉凍未聞
唯應草堂寺
高枕脫人群
秋夜寄龍池寺真空二上人

夜來思道侶
木葉向人飄
精舍池邊古
秋山月下遙

唐詩十卷
意百十
處默

聖果寺

路自中峯上盤回出薜蘿到江吳地盡隔岸越山多
古木叢青靄遙天浸白波下方城郭近鐘磬雜笙歌

吳越紀事云僧處默賦詩有奇句常云到江吳地盡隔岸越山多羅隱見曰此我句失之久矣乃為吾師得焉識者鄙其儂薄大甚

歸仁

題賈島吟詩臺

此臺如可廢此恨有誰平縱使迷青草終難沒舊名
天悲朝雨色嶽哭夜猿聲不是心偏苦應關自古情

滄浩

別嘉興知己

一坐西林下從來不別山不因尋長者何事到人間
宿雨愁為客寒禽散未還空懷舊山月童子誦經閑

虛中

廬樓

郡樓名甚遠幾換見樓人廬亮魂應在清風到白蘋
晴軒分楚漢夜酒揖星辰何必匡山上獨言無世塵

齊己

早梅

萬木凍欲折孤根煖獨回前村深雪裏昨夜一枝開
風通幽香出禽窺素艷來明年如應律先發望春臺

五代補史云鄭谷在袁州齊已携詩詣之有早梅
詩云云谷曰數枝非早也未若一枝遂改數枝開
為一枝開齊已不覺下拜自
是士林必谷為一字師云

貫休

登鄱陽寺閣

寺樓閑縱望不可到斜暉故國在何處多年未得歸
寒江平楚外細雨一鴻飛終學於陵子吳中有綠薇

春日山行

重疊太古色濛濛花雨時好山行恐盡流水語相隨

黑壤生紅朮黃髮領白兒因思石橋日曾與道人期

脩睦

秋臺作

獨上高樓上客情何物同孤雲無定處長日信秋風
兄弟多年別關河此夕中到頭歸去是免使嘆濛洪

尚志

江上秋志

到來江上久誰念旅遊心故國無秋信隣家有暮砧
坐遙翻不睡愁極却成吟即恐髭連髮還為白所侵

懷楚

謝友人見訪留詩

軒車誰肯到泉石日相親暮雨凋殘寺秋風悵望人
庭新一片葉衣故十年塵賴有瑤華贈清吟愈病身
懷浦

初冬旅懷

枕上角聲微離情未息機夢回三楚寺寒入五更衣
月沒棲禽動霜晴凍葉飛自慚行役早深與道相違
澹交

望樊川

萬樹葉初紅人家樹色中踈鍾搖雨意積水浸雲容

雪磧回寒鴈村灯促夜春舊山歸未得生計欲何從
清尚

哭僧

道力自超然身止同坐禪水流原在海月落不離天
溪白葬時雪風香焚處烟世人頻下淚不見我師玄
玄寶

路詩

南北東西去茫茫萬古塵關河無盡處風雪有行人
險極山通蜀平多地入秦營營名利者來往豈辭頻
女冠二人

李冶

寄校書七兄

無事烏程縣蹉跎歲月餘不知芸閣吏寂寞竟何如
遠水浮仙棹寒星伴使車高仲武云五因過大雷澤
莫忘幾行書

送韓揆之西江

詩府作送閩伯均

相看指楊柳別恨轉依依萬里西江水孤舟何處歸
湓城潮不到夏口信應稀唯有衡陽鴈年年來去飛

送閩二十六赴剡縣

流水閩門外孤舟日復西離情遍芳草無處不萋萋

妾夢經吳苑君行到剡溪歸來重相訪莫學阮郎迷

元淳

寄洛中諸妹

舊國經年別關河萬里思題書憑鴈翼望月想蛾眉
白髮愁偏覺歸心夢獨知誰堪離亂處掩淚向南枝

宮閨二人

徐賢妃

秋風函谷關應詔

秋風起函谷朔氣動河山偃松千嶺上雜雨二陵間
低雲愁廣隰落日慘重關此時飄紫氣應驗真人還

上官昭容

遊長寧公主林亭應制

暫尔遊山第淹留惜未歸霞窓明月滿
磴戶白雲飛
書引藤為架人將薜作衣此真攀桂所
臨睨賞光輝

五言律詩卷之十五

唐詩品彙七十

